

# Канон святым благоверным Петру и Февронии

Память празднуем 25 июня (8 июля)

Тропарь, глас 8-й

Яко благочестиваго корене пречестная отрасль был еси, добре во благочестии пожив, блаженне Петре, тако и с супружницею твоєю, премудрою Феврониею, в мире Богу угодивше и преподобных житию сподобистесь. С нимиже молитесь Господеву сохраните без вреда отечество ваше, да вас непрестанно почитаем.

## КАНОН, глас 8-й

Песнь 1

*Ирмос:* Воду прошед, яко сушу, и египетскаго зла избежав, израильтянин вопиаше: Избавителю и Богу нашему поим.

*Припев:* Святыи благоверные Петре и Февроние, молити Бога о нас.

Песнь Твоему угоднику, на земли Тебе прославльшему, Петру принести, Боже, даруй ми, яко да Смыслодавца песнями возвеличу Тя.

Святыи благоверные Петре и Февроние, молити Бога о нас.

Вас, преблаженнии, отечеству вашему, яко пресветлое солнце, Христос показа, чудесы всех озаряющее, верою к вам приходящих.

Слава: Яко о телесных небрегше, и земная, яко тленная, возненавидевше, и сего ради мира отрешивше, преподобных чести сподобистесь, с нимиже о мире молитесь.

И ныне: Пречистая Богородице, рождающая плотию присносущное Слово Безначального Отца, Приснодево, Емуже ныне взываем: Избавителю Богу нашему поим.

Песнь 3

*Ирмос:* Небеснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, Единое Человеколюбче.

Святыи благоверные Петре и Февроние, молити Бога о нас.

Безпомощным буди помощник, блаженне Петре, и печальным милостивное утешение, да твоими молитвами избавляеми, почитаем тя.

Святыи благоверные Петре и Февроние, молити Бога о нас.

Якоже иногда змия убив, конечному безвестию предал еси, тако и ныне твоё отечество борющихся победи, преблаженне, да ты прославляем.

Слава: Видь уныние, видь печаль, видь беду, на ны нападающую от противных, темже молитвою твоєю ко Господу премени, Петре, да благочестно ты почитаем.

И ныне: Тебе вси стяжанием, христиане, прибежище и стену и Тебе славословим немолчно, Безвестная.

Господи, помилуй (*трижды*).

#### Седален, глас 4-й

Благословенному и светонóсному торжествú, якоже со́лнцу возсия́вшему, Петра́ и Февро́нии, во всем ми́ре, к нимже стецёмся, вёрнии, и непреста́нно вопиём си́це: а́ще и преидо́сте от земли́, пресла́внии, но нас не отлучи́стеся и та́мо со Ангелы Трóице предстои́те, Ю́же моли́те спасти́ ду́ши на́ша.

Слава, и ныне: Сло́во Отчее, Христа́ Бо́га на́шего, от Тебе́ воплоти́вшася, позна́хом, Богороди́це Де́во, Еди́на Чи́стая, Еди́на Благословенная. Тем непреста́нно Тя, воспева́юще, велича́ем.

#### Песнь 4

*Ирмос:* Услы́шах, Го́споди, смотре́ния Твоего́ та́инство, разуме́х дела́ Твоя́ и просла́вих Твоё Божество́.

Святы́е благове́рные Пётре и Февро́ние, моли́те Бо́га о нас.

Яко ходата́й и заступни́к оте́честву твоему́, яко сопроти́вных реши́тель бу́ди, заступая́ люди́ твоя́, тебе́, Пётре, сла́влящия.

Святы́е благове́рные Пётре и Февро́ние, моли́те Бо́га о нас.

Яко в Небе́сных оби́телях с преподо́бными и пра́вдными веселя́ся, преблаже́нне Пётре купно́ с Февро́ниею, не преста́й моля́ о лю́дех твои́х.

Слава: Тебе́ мо́лимся, преблаже́нне, сопроти́вных шата́ние низложи́ и недуги́ челове́ков облеги́, яко да во гла́сах хвале́ния тебе́ велича́ем.

И ныне: Очи́щение на́шим да́руй прегреше́нием, яко Преблаг, и умири́ мир Твой, Бо́же, моли́твами ро́ждшия Тя.

#### Песнь 5

*Ирмос:* Вску́ю мя отрину́л еси́ от лица́ Твоего́, Све́те Незаходи́мый, и покрýла мя е́сть чужда́я тьма, ока́яннаго, но обрати́ мя и к све́ту за́поведей Твои́х пу́ти мо́я напра́ви, молю́ся.

Святы́е благове́рные Пётре и Февро́ние, моли́те Бо́га о нас.

Земля́ освя́тися, прие́мши честна́я телеса́ ва́ша, Богоблаже́ннии Пётре и Февро́ние, челове́цы же, прие́млюще ва́ми исцеле́ние, Христа́ сла́вят, и́скренно вас просла́вльшаго.

Святы́е благове́рные Пётре и Февро́ние, моли́те Бо́га о нас.

А́ще и преидо́сте от земли́, но к Небе́сным dospéте и та́мо со Ангелы Трóице предста́те, Ю́же моли́те спасти́ любо́вию вас почита́ющих, блаже́ннии.

Слава: Яко́ звёзды́ пресве́тлыя и яко́ незаходи́мое со́лнце, стяжавше́ вас, оте́чество ва́ше хва́лится, почита́юще па́мь ва́шу пречестну́ю, Пётре и Февро́ние.

И ныне: Де́ву пои́м Тя по рождестве́, Богороди́це, Ты бо плóтию Бо́га Сло́ва нам роди́ла еси́, Ему́же вси си́це зове́м: пу́ти на́ша напра́ви, мо́лим Ти ся.

#### Песнь 6

*Ирмос:* Очи́сти мя, Спа́се, мно́га бо беззакóния мо́я, и из глубины́ зол возведи́, молю́ся, к Тебе́ бо возопи́х, и услы́ши мя, Бо́же спасе́ния моего́.

Святы́е благове́рные Пётре и Февро́ние, моли́те Бо́га о нас.

О пречестная двоице! О величьи светильницы! Освятите и прославите любовьию вас в песнях славящих, чудотворцы.

Святые благоверные Пётре и Февроние, молитесь Бога о нас.

Яко пресветлая двоице и яко пречестная верста и благосочетание, ярём Господень взёмше, Тому от души поработасте.

Слава: Яко советницы добрии своему житию, едину мысль во двою телу имуще, мир чудесы просвещаете, темже и нас озарите молитвами вашими.

И ныне: Уясняют пророчестии гласи Божию Тя, Дево, Родительницу, поём же Тя и мы, видяще сбытие честных прорицаний, девству воистинну и чистоте вместилище.

Господи, помилуй (трижды). Слава, и ныне:

### Кондак, глас 8-й

Мира сего княжение и славу временну помышляя, сего ради благочестно в мире пожил еси, Пётре, купно и с супружницею твоєю премудрою Феврониею, милостынею и молитвами Богу угодивше. Темже, и по смерти неразлучно во гробе лежаще, исцеление невидимо подаваете, и ныне Христу молитесь сохранить град же и люди, иже вас славящих.

### Икос

Уясни язык мой, Спасе, и умири сердце мое, расшири уста мои и наполни Духа и премудрости, да иже возглаголю и воспую сице Твоя чудотворцы: радуйся, Пётре блаженне с прехвальною Феврониею вкупе. Радуйтесь, земли Российской заступницы и князем православным помощницы. Радуйтесь, отечеству вашему хранители и граду нашему утверждение. О пречестная двоице и благое сопряжение, Христу молитесь сохранить град и люди, яже вас славящих.

### Песнь 7

*Ирмос:* От Иудеи дошедше, отроцы в Вавилоне иногда верою Тройческою пламень пещный попраша, поюще: отец наших Боже, благословен еси.

Святые благоверные Пётре и Февроние, молитесь Бога о нас.

В болезни к тебе прибегающих избавляй, преблаженне Пётре купно с Феврониею, Христу вопиющих: отец наших Боже, благословен еси.

Святые благоверные Пётре и Февроние, молитесь Бога о нас.

Всем пристанище будите, преблаженнии, и небурное отишие сущим во гресех, да и мы с вами Христу возопием: отец наших Боже, благословен еси.

Святые благоверные Пётре и Февроние, молитесь Бога о нас.

Прибежище да ми будите в день гнева, Богоблаженнии, яко посреде хожду сетей многих: темже избавите мя от них, да возмогу воспети вас.

Слава: Днесь преславная память Петра и Февронии, яко солнце, возсия в мире, в нюже сошедшеся, вси воспоем сице: отец наших Боже, благословен еси.

И ныне: Капля Боготочная, от Тебе рождаемая, мир освяти, Богородице Дево: капли мне милости источи, освящающия души и помышления земных.

## Песнь 8

*Ирмос:* Царя Небеснаго, Егѡже поютъ вси Ангельстии, хвалите и превозносите во вся вѣки.

Святые благоверные Пётре и Февроние, молитѣ Бога о нас.

Очисти и прости согрешения наша, Безгрешне, молитвами Твоихъ угодникъ Петра и Февронии, да поёмъ Тя, Христѣ, во вѣки.

Святые благоверные Пётре и Февроние, молитѣ Бога о нас.

Иже отъ сердца рукою недостойною приносимое вамъ хваление, блаженнии, примите и мольбу сотворите о насъ ко Христу Богу.

Слава: Певцемъ, Тебѣ поющимъ, Троице Пресвятая, согрешения остави, яко Преблага, молитв ради Петра и Февронии, да Тя поёмъ во вѣки.

И ныне: Божества сосудъ бывши, Чистая, просвети мя в повелении Света ходити, Пречистая, отъ чрева Твоего возсиявшаго и просветившаго верныхъ сердца.

## Песнь 9

*Ирмос:* Воистинну Богородицу, Тя исповедуемъ, спасеннии Тобою, Дѣво Чистая, с Безплотными лики Тя величающе.

Святые благоверные Пётре и Февроние, молитѣ Бога о нас.

Отъ юности ваша чистую совесть имуще к Богу, сего ради, благочестно поживше, къ Вышнимъ преидосте. Молите Христа о насъ, да васъ любовью почитаемъ.

Святые благоверные Пётре и Февроние, молитѣ Бога о нас.

Яко предстояще Святей Троице с преподобными и праведными, молитесь, блаженнии, избавити насъ всякаго прещения и гнева, да васъ непрестанно величаемъ.

Слава: Людие твой молятъ тя, Богоблаженне Пётре, купно моли Христа с премудрою Феврониею, с неюже в мире богоугодно пожил еси, избавити насъ отъ всякихъ золъ.

И ныне: О, чудесе великаго! Како вместися во утробу Твою Христосъ Богъ, никакоже вместимый? Егѡже за хвалящия Тя умоли, Дѣво, отъ бедъ избавити насъ и отъ беззаконныхъ человекъ всегда.